

2

SANCTISSIMI D. N. D.
BENEDICTI
PAPÆ XIII.
DECLARATIONES

*Super quibusdam Dubiis, circa intelligentiam
contentorum in Constitutione*

P R E T I O S V S
Excitatis, emanata.

Foris.

SANCTISSIMO D. N. D.

BENEDICTO PAPÆ XIII.

Pro Magistro, ac Procuratore Generalibus
Ordinis Prædicatorum.

Intus vero

BEATISSIME PATER.



Romæ, Typis Rev. Cam. Apostolicæ 1729.



Beatissime Pater.



Agister, ac Procurator Generales Ordinis Prædicatorum, provoluti pedibus S.V. humillimè eidem exponunt, exorta hæcenus fuisse plura Dubia circa intelligentiam Constitutionis = *Preiosus* = super quibus maximè Ordo ipse vexatur. Quoniam verò Divinæ placet Providentiæ, ad Ecclesiæ, ejusdemque Ordinis firmamentum, Beatitudinem Vestram in vivis, juxta servida Oratorum, ac Ordinis vota, conservare, ea propter supplices exorant, quatenus dignetur Sanctitas Vestra ore proprio Apostolicam circa eadem Dubia mentem aperire. Dubia verò selectiora, ac graviora hæc sunt.

Primo. An stantibus omnimoda subjectione, ac dependentia a Superioribus, aut Delegatis Ordinis, præscripta a S. Vestra Confratribus, aut Congregatis quarumcumque Societatum, pro tempore in Ecclesiis, Oratoriis, aut Claustris Ordinis prædicti, etiam, vel etiam convenientium pro opere pio, aut devotione aliqua exercenda: necnon omnimoda pertinentia ad Ecclesias, & Conventus Ordinis ipsius, bonorum quorumcumque prædictarum Societatum; harum Confratres, sive Congregati, etiam illi, qui aliàs peculiare Oratorium, ac Societatem aliam ab Ordine independentes habeant, in eligendis, removendis, mutandis Officialibus, in Processionibus, custodia, usu; administratione quarumlibet rerum; atque in omnibus, & singulis aliis, quæ quomodocumque pertineant ad Societates ipsas, fundatas, vel quatenus convenientes, ut supra, ad Ecclesias, Oratoria, aut Claustra, prædictam subjectionem, & dependentiam, sub pœnis in Constitutione taxatis, habere = Mobilia verò, & signanter Sacræ Imagines, & supellestilia, eorumque, sicut & cujuslibet Altaris, Oratorii, Sacrarum, ac Ecclesiæ, claves, penes Fratres residere: hisque Confratres, & Congregati prædicti, tamquam veri, & simplices bonorum Ordinis Ministri, & Administratores, in majus Dei servitium a Fratribus ipsis assumpti, & data saltem occasione, amovibiles, *privativè* quoad Ordinarios quoscumque locorum, rationem administrationis cujuscumque generis bonorum, toties quoties requisiti fuerint, reddere: necnon *privativè* quoque quoad Ordinarios prædictos, Superiores tamquam verè propria, ac pleno jure, non ad Confraternitates quasvis Laicorum, sed ad Ordinem pertinentia, non solum Oratoria, aut Ecclesias, quæ ante Ordinis

dinis ingressum ad Societates illas spectabant, ac Ordini postmodum per unionem perpetuò accesserunt; sed etiam Oratoria, Capellas, Altaria Societatum quarumvis, in Ecclesia Parochiali Ordini perpetuo unita, vel unienda, erectarum, necnon Societatum Sanctissimi Nominis Jesu, Rosarii, aliarumque ad Ordinem spectantium, usibus quandocumque extra Ecclesias, aut Claustra Ordinis destinata, vel destinanda, quamvis ipsarum Societatum, aut Confratrum expensis fabricata, vel fabricanda: eorumque suppellectilia, & ornamenta quaecumque, in omnibus, & per omnia ad instar bonorum, suppellectilium, ac ornamentorum Societatum per solos Fratres ipsos dumtaxat in omnibus, & per omnia, administrationem, sive aliàs pleno jure, & dominio ad Ordinem ipsum pertinentium, visitare, tanquam verè dispositioni Concilii Tridentini *sess. XXII. cap. VIII. & IX.*, pluribusque Congregationum Episcop., & Regul., ac Concilii, Decretis, non subiecta, debeant, ac teneantur?

II. An spectata Immediata soli Summo Pontifici, ac Romanæ Ecclesiæ, Ordinis, ac omnium, & singulorum ad ipsum spectantium, Subjectione, cum amplissima exemptione prædictorum omnium a jurisdictione cujuscumque alterius, a Sanctitate Vestra in confirmatione, ac innovatione Constitutionum Prædecessorum suorum validissimè firmata, & si opus sit, restituta, Ordinarii quicumque locorum, Capellas, Oratoria, aut Altaria quaecumque, etiam in Grangiis Ordinis erecta, aut in Ecclesiis Parochialibus Ordini perpetuo unitis, vel uniendis, saltem cum clausula = *Salvis Juribus Episcopalibus* =, præter Altare Parochiæ, ac cætera, animarum curam, & administrationem Sacramentorum, ad trames Concilii Tridentini *sess. XXV. cap. XI.* spectantia, alia Altaria, aut Ecclesias ipsas: aut ornamenta, suppellectilia, & mobilia Altaris, cui sit adnexum Beneficium aliquod Seculare, a Fratribus prædictis posita, posita verò a Beneficiato, non assistente Superiore locali Ordinis, visitare = Prælati verò inferiores, Parochi, Capitula, aliive Clerici Seculares in Ecclesiis, Oratoriis, Claustris, Capellis quibuscumque Ordinis, hucusque dictis, Officium Parochiale exercere: conciones, aut sermones habere: Sacramenta administrare, vel infirmis ministranda accipere; Cadavera sepelire, vel, non determinata cum Patribus congrua delationis hora, portare: Missas cantare, vel, liberè non annuentibus Fratribus ipsis, celebrare: Exequias quaslibet, exclusis Fratribus, vel, iisdem admisis, solemnes cum thurificatione, aut aspersione aquæ benedictæ, aut aliter, quam a Sanctitate Vestra permissum est in prædicta Constitutione = §. 74., sive non liberè, ultra non dumtaxat Parochum, a Defuncto ante mortem, vel post mortem ab
hære-

hæredibus, electi. aut vocati; ac aliam quamcumque functionem peragere possint, & valeant?

III. An circa approbationem Fratrum, prævio examine, ad Confessiones Secularium audiendas Episcopi teneantur juxta sancta a la. me, Clemente X. in Bulla = *Superna* = Fratres generaliter repertos idoneos generaliter quoque, & sine limitatione temporum, locorum, aut personarum approbare: ac saltem Fratres graduatos, siue ætate maturos in primo examine simpliciter, ac generaliter eodem modo approbare, vel reprobare, quod alias a Congregatione Concilii decretum universaliter refertur: Subindeque non obstante aliàs consueta in Patentibus Literis, ad eas pro arbitrio Episcoporum renovandas, temporis prefixione, semel sic approbatos; nisi gravis superveniat causa, confessiones ipsas spectans, a Confessionibus suscipiendis arceri, aut suspendi non possint.

IV. An, ut firma, & illibata permaneant quæ post Trident. sess. V. cap. II., S. Pium V., & Clementem X., Prædicatoribus Ordinis Sanctitatis Vestra concessa voluit, Fratres pro habendis Concionibus Quadragesimalibus, aut Annualibus, in Ecclesiis, aut Oratoriis ejusdem ipsorum Ordinis, solummodo, & quidem ad terminos Constitutionis prædictæ laudati Clementis X., Benedictionem ab Episcopo petere, Licentiam verb, ac Literas Patentes, nec non pro singularibus concionibus moralibus, siue panegyricis, atque pro promovendis Societatibus supradictis, Benedictionem à solo eorum Superiore dumtaxat petere, & obtinere teneantur; Hæcque etiam locum habere debeant ex Bulla = *Pretiosus* = ubi iidem Fratres in Ecclesiis, aut Oratoriis prædictis soli in Quadragesima, vel per annum Conciones habere solent, ac consueverunt, ac etiam si electionem, neminationem, aut etiam elemosynam a Communitate quacumque extranea, atque insuper intra prædicta tempora Conciones, aut Sermones singulares in Ecclesiis, quæ non sunt ipsius Ordinis, ex devotione Cleri, vel Populi, consuetudine, aut etiam conventionem aliqua, sint habituri? Quum obitet Decretum Congregationis Concilii in una *Theanen.*, post emanatam Constitutionem ipsam = *Pretiosus* = latum 19. Junii 1728.

V. Circa Ordinariam Jurisdictionem in Moniales sibi subiectas, quam restitutam voluit S. V. Ordini suo ad terminos Trident., & Constitutionum S. Pii, An ad Episcopum pertineat, ultra explorationem voluntatis puellæ juxta idem Concilium sess. XXV. cap. XVII., dare facultatem ad congregandum Capitulum pro vocatione, aut professione, siue ad dandum habitum, aut emittendam professionem: aut exigere attestationem de peractis exercitiis spiritualibus: disponere etiam *privativè* quoad Superiores Ordinis de dote ipsius post emissam professionem? *privativè* quoque;
aut

aut *cumulative* cum ipsis, dare licentiam pro extraneorum accessu ad colloquendum Monialibus, aut subscribere licentias pro ingressu Monasteriorum in casibus necessitatis, non obstante contraria ejusdem Trident. dispositione juxta declarationem S. Pii V. in Constitutione = *Et si Medicantium* = a Sanctitate Vestra confirmatam: In Visitatione quoque, ac ingressu Clausuræ, Episcopo toties quoties opus erit, facultate ab ipso Tridentino, ac S. Sede delegata, competentibus, aliud quodcumque præter Clausuram ipsam materiale, aut non associante Superiore, visitare ac etiam ingrediendo cum Pluviali, & Stola contra Decretum Congregationis Concilii in una *Florentina* 29. Julii 1684. aut cum preparatione, non Strati, sed Sedis cum Baldachino in alterutra, aut in utraque Ecclesia, aut receptus a Monialibus processionaliter, live cum Cruce erecta, aut cum Cantico *Benedictus*, aut ab ipsis accipiendo Crucem deosculandam, contra Decreta prædictæ Congregationis = *ad Dubia Visitationis Clausuræ* 19. Januarii 1686.

VI. Quantum ad personas utriusque sexus Tertii Ordinis Sancti Dominici, an spectatis omnibus, quæ Sanctitas Vestra mandare dignata est, illæ, quæ, non habent requisita omnia in Constitutione, = *Pretiosus* = præscripta, sed absque Voto in Domibus propriis degunt, nec habitum Ordinis patenter, sed vel absconditum, vel in signo, aut parte aliqua ejusdem, deferunt, solis tantummodo Indulgentiis, & gratiis spiritualibus, Tertio Ordini ibidem concessis, &, si sint Clerici in Sacris Ordinibus constituti, etiam facultate recitandi Officium, ac respectivè celebrandi Missam, sub ritu tamen Romano, de SS., ac BB. Ordinis Prædicatorum, juxta Indulta huic Ordini a S. Sede facta, vel facienda, dummodo tamen in iis, quæ proprium Institutum spectant, Magistro Ordinis in eadem Constitutione præscriptam obedientiam, ac reverentiam servant: Personæ verò seorsim in Domibus privatis cum voto, habitu, & Regula ejusdem Tertii Ordinis viventes, etiam pro anno Probationis, non minùs, ac quæ collegialiter vivunt, omnibus, & singulis in prædicta Constitutione, & signanter circa Sacramentorum receptionem, & earum Cadaverum post mortem Sepulturam, nec non plenissimam exemptionem a Jurisdictione cujuscumque Ordinarii, concessis, frui, gaudere, & potiri possint, & debeant? Possint nihilominus Superiores Ordinis, ad tollendas innumeras lites, absque ullo præjudicio propriæ Jurisdictionis processu cujuscumque longissimi, etiam centum, & biscentum annorum, temporis, ubi non adsit legitima consuetudo in contrarium, ante, vel post editam Constitutionem ipsam = *Pretiosus* = introducta, ac ubi Parochus citra omnem controversiam, & difficultatem acquiescat, & non aliter, permittere, quatenus Parochus ipse hisce prædictis Tertiariis mortali-

ter,

r, aut habitualiter infirmis, Sacram Eucharistiam in mortis articulo, Paschate, & in aliis anni solemnitatibus, ac etiam urgente peculi aliquo rationabili motivo, Extremam Unctionem, ministrare, rumque Cadavera, cum obierint, usque ad fores Ecclesiarum Ordinis clusivè associare, tumque titulo congruæ Elemosyne, non verò iuscumque Parochialis Quartæ, aut cuiuscumque alterius Canonice portionis sibi debita, juxta Taxam inter Ordinarium, & Superiorem Locum, per modum regulæ perpetuè retinendæ, firmam, lud, quod ab iisdem conveniens judicatum fuerit, recipere liberè, licitè possit, ac valeat?

VII. An Declarationes, quas vivæ vocis Oraculo super iis dubiis edere dignabitur S. V., censerì debeant, tanquam literaliter tripliciter insertæ, & expressè in prædicta Constitutione = *Pretiosus* = etiam cum avocatione, & extinctione litium desuper pendendum; facultate sublata cuicumque Tribunali, etiam S. R. E. Cardinalibus, aliter judicandi, declarandi, & definiendi: Decreti irritante: commissione executionis: mandato de habenda Fide: exemplaribus etiam impressis: cum aliis omnibus in eadem Constitutione contentis: & signanter cum clausulis præservativis, derogativis quibuscumque obstantibus, itaut non solum ibidem censitis, sed etiam censerì debeat, ac sit, derogatum, omnibus, singulis individuis etiam conventionibus, etiam in limine functionis, etiam cum juramento factis, Provincialibus quoque, & synodalibus Decretis, Tribunalium quorumcumque sententiis, Congregationis S. R. E. Cardinalium Responsionibus, Decisionibus, Decretis, Rescriptis, Resolutionibus, & prædictis quicquid, etiam si semel, vel pluries, etiam in forma specifica, & specialiter a S. Sede approbatis, vel confirmatis, sive etiam clausulis, formulis undequaque extraordinariis conceptis, approbatis, vel confirmatis, ac etiam quavis specifica, & individua, ac de verbo ad verbum, nihil penitus omisso, mentione dignis, itaut eodem acto pro insertis haberi debeant?

EX AUDIENTIA SANCTISSIMI.

Die 28. Septembris 1728.

Facta per me relatione Sanctitas Sua, benigne declarando dubia, ut in adjunctis precibus
exci-

excitata, *ad Primum: Tertium: Quartum: Sextum: & Septimum*, respondit *in omnibus Affirmative*.

Ad secundum, vero, *& Quintum*, *Negative in omnibus*. Per id tamen Sanctitas Sua Episcopis qui *privative*, vel *cumulative* Licentias pro accessu, vel ingressu in Monasteria subiecta Ordini, dare, vel subscribere alias consueverunt, non intelligit prohibere, quin possint etiam in posterum easdem dare, vel subscribere, *cumulative* tamen semper cum Ordinis Superioribus, & non alias. Ubi autem iidem Episcopi renuant, sufficiat Licentia, sive subscriptio Ordinis Superiorum ad utrumque effectum: Decretis Congregationum, Constitutionibus Apostolicis, Consuetudinibus, & aliis quibuscumque, quomodolibet in contrarium facientibus, quoad omnia superius declarata, minime refragantibus.

L. ✕ S.

*I. Card. Accorambonus
Pro-Auditor.*